

**176.**

1396 Februar 24

***Gunther Thymer leiht sich Geld und setzt Bürgen dafür ein.***

fol. 25v Pecunie pueri Pusens. <sup>(a)</sup>Wisset daz vor uns komen ist in eynen vollen rath Gunther Thymer und hat vor uns bekant, daz er in genomen hat<sup>(b)</sup> und inne habe 21 schog mysener gr von synes styfkyndes wegen, Plarrers von Pusyn kynd, dem Got gnade, dy phennige dem kynde geburen vor syn veterliche erbe teyl, alz daz vor uns in eyne vollen rath geteidinget ist, vor dy phennige hat Gunther Thymer gelobt uns dem rath und unsern nachkomen von des kyndes wegen, zu der stad hant by allen synen erben und guten. Ouch haben mit ym und vor yn gelobt, alz gute burgen Conrad Thymer und<sup>(c)</sup> <sup>(d)</sup>Nickel Wisinborn,<sup>(d)</sup> unser mitburger, uns und unsern nachkomen zu der stad hand, alz vorbeschr(ieben) stet, und wenne daz kynd mundig wirt und syne egnante phennige habin wyl, so schol ym Gunther Thimer und syne burgen dy richten, und ab der burgen eyner ader beyde abesturben, dy wil dy phennige nicht bezalt synt, so sullen dy lebindingen eynen andern bynnen vier wochen seczin, alz gut der<sup>(e)</sup> tode gewest ist ame leben. Actum M CCC XCVI ame donnerstag vor reminiscere.

a) alles durchgestrichen b) ausgebessert, vorher habt c) folgt durchgestrichen Nitsch Phannesmyd d-d) am rechten Rand eingefügt e) folgt durchgestrichen leb

**177.**

1396 Juni 17

***Andreas Cynk verzichtet auf sein Erbe.***

fol. 25v Resignacio Andree Cynken. Wisset daz Andres, der Cynken son, vor uns komen und sich vorczigen vor uns gein Nickel Fryberger an syme veterlichen erbe alles synes rechten. Actum M CCC XCVI sabbato post viti.

**178.**

1396 --

***Der Besitz von Nikolai Görlitz wird nach seinem Tode zur Schuldentilgung verkauft.***

fol. 25v Vendicio bonorum Nicolai Gorlicz. Wisset daz uns wissentlichin ist, daz der junge Nickel Gorlycz nach syme tode so viel schuldig bliben waz, daz man<sup>(a)</sup> alle syne guter vorkaufen muste, erbe und husere, waz er hatte und lyse, damite man den glaubern, den er schuldig bleib galde und nicht volgoldin möchte. Actum M<sup>o</sup> CCC XCVI.

a) folgt durchgestrichen syne